



Informacija o stanju vodostaja na vodnom području rijeke Save u FBiH

Sarajevo, 18.3.2018 u 21:00 sati

"Agencija za vodno područje rijeke Save" Sarajevo vrši pojačano praćenje vodostaja na svim vodotocima na vodnom području rijeke Save u Federaciji BiH.

U okviru svojih redovnih aktivnosti svakodnevno detaljno analizira slijedeće podatke:

- Trenutne vodostaje na mreži automatskih vodomjernih stanica na vodnom području rijeke Save u FBiH koje su u vlasništvu Agencije,
- Meteorološku prognozu za naredna četiri dana dostavljenu od strane Federalnog hidrometeorološkog zavoda,
- Trenutne vodostaje na rijeci Savi uzvodno od granice sa BiH koji su dostupni na web stranici Hrvatskih voda,
- Rezultate prognoze padavina i vodostaja prognoznog modela za Unu-Sanu kao i platforme prognoznih modela za kompletan sliv rijeke Save.

Trenutno stanje vodostaja na vodotocima na vodnom području rijeke Save u Federaciji BiH je znatno povoljnije u odnosu na prethodni period. Naime, na svim vodotocima bilježi se stagnacija, odnosno opadanje vodostaja. Ovakvo stanje bi se prema raspoloživim prognozama trebalo nastaviti i u narednim satima.

Na rijeci Savi vodostaji su u porastu. Na vodomjernoj stanici Slavonski Brod dostignut je nivo pri kojem se proglašavaju mjere vanredne odbrane od poplava. U skladu sa odredbama Federalnog operativnog plana odbrane od poplava (FOP) Glavni rukovodilac odbrane od poplava na vodnom području rijeke Save u FBiH, Direktor "Agencije za vodno područje rijeke Save" Sarajevo, je donio Rješenje o proglašenju početka vanredne odbrane od poplava na poplavnom području Odžačka Posavina.

Na vodomjernoj stanici Slavonski Šamac je dostignut nivo pri kojem se proglašavaju mjere redovne odbrane od poplava, tako da je Glavni rukovodilac odbrane od poplava na vodnom području rijeke Save u FBiH donio Rješenje o proglašenju početka redovne odbrane od poplava na poplavnom području Srednja Posavina.

Shodno prognoziranim hidrometeorološkim prilikama na vodnom području rijeke Save u Federaciji BiH, očekuje se dodatno povećanje vodostaja na ovom dijelu toka rijeke Save.



O ovome su obaviještena pravna lica koja su zadužena za provođenje mjera aktivne odbrane od poplava, koje se odnose na zaštitne vodne objekte na poplavnim područjima Odžačka i Srednja Posavina; Federalno ministarstvo poljoprivrede, vodoprivrede i šumarstva kao i relevantne službe civilne zaštite.

Sve aktivnosti na praćenju i obavještavanju o trenutnom hidrološkom stanju se provode u skladu sa Federalnim operativnim planom odbrane od poplava (FOP).

Agencija za vodno područje rijeke Save će zbog aktuelnosti situacije u narednom periodu kontinuirano vršiti pojačano praćenje i obavještavanje o stanju vodostaja na vodotocima na vodnom području rijeke Save u FBiH.

Odjeljenje za informacioni sistem voda
Dežurni centar